

*imò manca, & mutila, fugiatis, quod & verè, si in-*  
rem præsentem ire, & diversas editiones conferre de-  
inceps volueritis, sat scio, à me dictum esse dicetis ipsi.  
Certè ita se res habet, quod vel tacita clamat experien-  
tia: vitiosè edito libro qui paulò minore sumptu com-  
parato libenter utitur, sæpe & facilè seducitur. Vale-  
te benè omnes boni, & mali si qui sunt, ut tandem ab  
animo rectè valere queant, mentem ipsis à Deo dari  
meliolem, id est, quod voveo & opto.



Quia sub anni novi exordium hæc ab-  
solvo, ne qua pagina vacua relinquatur,  
adjicio hos versus.

Ad Deum.

**A**nnus abit vetus, ordimur novum, abire  
jubeto  
Omne malum illo, ortum hoc fac sit ut  
omne bonum,

Gratia cujus adhuc veterascere nescia perstat  
Per veterum annorum secula cuncta, Deus.  
Gratiam ut obtineant homines, jam munera do-  
nant,

Que donem tibi, sunt munera nulla mihi.  
Nec tua muneribus datur ullis gratia, nisi illo,  
Si absq; tuis tribuam munera nulla mihi.  
Namq; ut revera queat esse, quod ipsa vocatur,  
Gratis contingit gratia, non merito.

Tu